

易

林

註

易林卷第七

三三

震下乾上无妄

夏臺牖里湯文厄處臯陶聽理歧人
悅喜西望華夏東歸无咎

湯囚夏臺文王拘羑里臯陶舜命
作士理官也

之乾

儋耳穿山僵離旁春天地易紀日

月更始蝮螫我手痛爲吾毒

僭耳穿冑皆外國名

坤

慈母之恩長大無孫消息襁褓害不

入門

無註

屯

僞言妄語傳相誑誤道左失迹不知

鄉處

無註

蒙

鬱怏不明陰積無光曰在北陸萬物

彫藏

左傳曰在北陸而藏冰又漢志曰

行四陸春東陸夏南陸秋西陸冬

北陸曰當作日

需

王母多福天祿所伏君之寵光君子
有昌

王母神仙以東華至真之氣化生

訟

不耕而獲家食不給中女無良長子
徒足踈齒善市商人有息

無註

師

火起上門不爲我殘跳脫東西獨得
生完不利出隣病疾憂患

無註

比

持刃操肉對酒不食夫亡從軍長子
入獄抱膝獨宿

無註

小畜

鱖鰕去海游於枯里街巷迫狹不得
自在南北四極渴餒成疾

無註

履

啞啞笑喜與歡飲酒長樂行觴千秋
起舞拜受大福

無註

泰

登高上山賓於四門吾士得歡福爲
我根

書曰賓于四門四門穆穆納于大
麓烈風雷雨弗迷言舜之德也

否

天戢周德命我南國以禮靜民兵革
休息

無註

同人

壅遏隄防水不得行火光盛陽陰蜺
伏匿走歸其鄉

無註

大有

海河都市國之奧府商人受福少子
玉食

無註

謙

東行避兵南去不祥西逐凶惡北迎
福生與喜相迎

無註

豫

東家中女嫫母取醜三十無室媒伯
勞苦

嫫母古之醜婦最賢

隨

破亡之國天所不福難以止息

無註

蠱

駢駕蹇驢日暮失時居者無憂保我
樂娛

無註

臨

蝮螫充側佞幸傾惑女謁橫行正道
壅塞

詩蝮螫止奔也蝮螫在東莫之敢
指女子有行遠兄弟父母

觀

三殺五牂相隨俱行迷入空澤循谷
直北經涉六駁爲所傷賊

無註

噬嗑

載喜抱子與利爲友天之所命不憂
危殆荀伯勞苦未來王母

詩下泉篇云四國有王郇伯勞之
荀當作郇

賁

織縷未就勝折無後女工多能亂我

政事

無註

復

羿張烏號彀射天狼鍾鼓不鳴將軍
振旅趙國雄勇闢死滎陽

羿后羿善射烏號弓名天狼獸名

剥

行露之訟貞女不行君子無食使道

壅塞

詩云厭浥行露言女子有能以禮
自守而不爲強暴所汙喻道間之
露方濕恐沾濡而不敢行耳

大畜

延頸望酒不入我口商人勞苦利得
無有夏臺牖里雖危復喜

牖當作姜湯囚夏臺文王拘姜里

頤

冠帶南遊與喜相期傲於家國拜爲
逢時

無註

大過

東西觸垣不利出門魚藏深水無以
樂賓爵級摧頽光威減衰

無註

坎

兩母十子轉息無已五乳百雛駢駢

驪駒

無註

離

重黎祖後司馬太史陸氏之灾雕害

悲苦

書傳重少昊之後黎高陽之後重

即義黎即和也司馬談爲太史子
迂繼其職仍稱太史公

咸

內執柔德止訟以嘿宗邑賴福禍災
不作

無註

恒

采唐沫鄉要期桑中失信不會憂思

約帶 一本云 牛驥同堂郭氏以
亡國破爲墟君奔走逃

詩桑中云爰采唐矣沫之鄉矣云
誰之思美孟姜矣唐蒙菜也沫衛
邑名 按胡傳莊公二十四年齊
桓公問郭父老曰郭何以亡父老
曰見善而不能舉惡惡而不能去
所以亡

遜

宮成立政衣就缺袂恭謙爲衛終無
禍尤

無註

大壯

麒麟鳳凰子孫盛昌少齊在門利以
合婚招衣彈冠貴人所歡

按春秋昭公二年夏四月韓須如

齊逆女齊陳無宇送女致少姜少
姜有寵於晉侯晉侯謂之少齊

晉

亂危之國不可涉域機發身頓遂至

僵覆

無註

明夷

千雀萬鳩與鷄爲仇威挈不敵雖衆

無益爲鷹鳥所擊

無註

家人

衆神集聚相與議語南國虐亂百姓
愁苦興師征討更立聖主

無註

睽

顏淵閔騫以禮自閑君子所居禍留

不存

顏淵即顏回閔騫閔子騫也皆孔子弟子

蹇

三桓子孫世秉國權爵世上卿富於周公

三桓即三家皆桓公之後自季武子始專國政歷悼平桓子凡四世

解

平子逐君康子廢父命而殺嫡僭
八佾歌雍以徹皆專權僭竊之至

鶴鳴九臯處子失時載土販鹽難爲

功巧

無註

損

方軸圓輪東行不前組囊以錐失其

事便還師振旅兵革休止

無註

益

魚擾水濁桀亂我國駕龍出遊東之
樂邑天賜我祿與生爲福

無註

夬

白虎黑狼伏司亦長遮遏牛羊病我

商人

無註

姤

履危不安跌頓我顏傷踵爲癩

無註

萃

三人輦車乘入旁家王母貪叨盜我
資財亡失犂牛

無註

升

三鴈南飛俱就井地鰕鱖饒有利得

過倍

無註

困

鷹棲茂樹猴雀往來一擊手獲兩伏不

枝梧

無註

井

堯舜欽明禹稷股肱伊尹往來進禮
登堂顯德之徒可以輔王

堯舜禹皆古之仁聖也稷教稼穡
伊尹相湯皆古之良輔也

革

枯旱三年草葉不生塗塗盛空乏無以

供靈

無註

鼎

方口緩唇爲和樞門解釋鈎帶商旅

以懽

無註

震

鳬鷺池水高陸爲海江河橫流魚鰈魚

成市千里無牆鴛鳳遊行

無註

良

烹魚失刀駕馬車亡鉏刀不及魴鯉

腥臊

無註

漸

戎狄蹲居無禮貪叨非吾族類君子

攸去

無註

歸妹

渡河踰水濡漉其尾不爲禍憂捕魚
遇蟹利得無幾

無註

豐豆

河水小魚不宜勞煩苛政苦民君受

其惠

無註

旅

偃武脩文兵革休安清人逍遙未歸
空閑

書武成乃偃武脩文歸馬于華山
之陽放牛于桃林之野示天下弗
服又清人詩云河上乎逍遙

巽

九疑鬱鬱林沮濕不中鸞鳥所去君子
不安

無註

兌

持狷逢虎患厭不起遂至懼國與福
笑語君王樂喜

史記龜策傳郭璞註云蝟能制虎

渙

狗生龍馬公勞嫗苦家無善駒折悔
爲咎

無註

節

嬰孩求乳慈母歸子黃麕悅喜得其
甘餌

麕鹿子也

中孚

有兩赤鷁從五隼噪操矢無括趣釋
爾財扶伏聽命不敢動搖

隼鳥名顏師古曰即今所謂鷂也

小過

伊尹智士去桀耕野執順以強文和
无咎

伊尹有莘之處士湯聘而用之遂

進於桀桀不能用復歸于湯乃相
湯伐桀以有天下

既濟

逐鹿西山利入我門陰陽和調國無
灾殃長子東遊湏其三仇

無註

未濟

龍興之德周武受福長女宜家與君

相保長股遠行狸且善藏

武王伐紂而有天下以元女大姬
嫁胡公而封諸陳

三三乾上大畜

朝鮮之地箕伯所保宜人宜家業處
子孫求事大吉

箕子紂諸父武王伐紂遂歸周封
於朝鮮

之乾

金柱鐵關堅固衛灾君子居之安無
憂危

無註

坤

轉禍爲福喜來入屋春成夏圉可以
飲食保全家室

無註

屯

水暴橫行緣屋壞墻決決溢溢市師
驚惶居止不殆與母相保

無註

蒙

虎豹熊羆遊戲山隅得其所欲君子
無憂旅人失利市空無人

無註

需

躬體履仁尚德止訟宗邑以安三百
無患

齊管仲奪伯氏駢邑三百沒齒無
怨言

訟

江淮易服玄黃朱飾靈公夏徵哀相
无極高位崩顛失其寵室

按左傳陳靈公與孔寧儀行父通於夏姬皆衷其袒服以戲于朝後陳靈公與孔寧儀行父飲於夏氏公謂行父曰徵舒似汝對曰亦似君徵舒病之出自其廐而射之遂傷靈公衷懷也袒近身之衣

師

不虞之患禍至無門奄忽暴卒痛傷

我心

無註

比

三塗五嶽去危入室凶禍不作桀盜
堯服失其寵福貴人有疾

三塗山名在河南伊闕縣

小畜

配合相迎利心四鄉昏以爲期明星

熠熠欣喜君奭所言得當

詩東門之揚云昏以爲期明星煌煌註曰此亦男女期會而有負約不至者故因其所見以起興也

履

三手六身莫適所閑更相搖動失事便安箕子佯狂國乃不昌

箕子紂諸父紂爲不道乃佯狂而

爲奴

泰

虎卧山隅鹿過後
眇弓矢設張會爲
功曹伏不敢起遂
全其驅得我美草
會當作狴見大有
之訟史記龜策
傳郭璞註云蝟能
制虎

否

麟鳳執獲陰雄失
職自衛返魯猥昧

不起祿福訖已

左傳哀公十四年春西狩於大野
叔孫氏之車子鉏商獲麟孔子自
衛返魯作春秋

同人

欒子作殃伯氏誅傷州黎奔楚失其
寵光

春秋成公十五年冬十月晉三郤

害伯宗譖而殺之及欒弗忌伯州
犁奔楚

大有

黃帝出遊駕龍騎馬東至太山南過
齊魯王良御左文武何咎不利市賈
黃帝邑於涿鹿之阿遷徙无常以
兵師爲營衛後得六相而天地治
神明至

謙

齊魯爭言戰於龍門溝怨致禍三世
不安

按春秋魯成公二年春齊侯伐我
北鄙圍龍頃公之嬖人盧蒲就魁
門焉龍人囚之齊侯親鼓三日取
龍

豫

道理和德仁不相賊君子往之樂有其利

無註

隨

姬妬公妮毀益亂賴使我家憤利得不遂

無註

蠱

一巢九子同公共毋柔順利貞出入
不殆福祿所在

無註

臨

崔嵬北岳天神貴客溫仁正直主布
恩德閔哀不已蒙受大福

北岳周禮并州其山鎮曰恒山唐
天文大梁析木其神主於恒山辰

星出焉

觀

三眦逐蠅陷墮釜中灌沸弇殪與母

長決

弇音掩殪音意

噬嗑

東山西陵高峻難升滅夷握纍使道
不通商旅無功復反其邦

無註

賁

常得自如不逢禍災樂只君子福祿
自來

無註

剥

范子妙材戮辱傷膚然後相國封爲
應侯

范子即范雎按史記范雎初事魏
嘗從須賈使齊齊賜雎金及牛酒
賈知之大怒以爲雎以國陰事告
齊故得此饋歸告魏相魏齊大怒
使舍人笞擊雎折脅摺齒雎佯死
置廁中雎告守者得脫變姓名後
歸秦秦以爲客卿封應侯

復

狼虎結集相聚爲保同啣牛羊道絕
不通病我商人

無註

无妄

不直杜公與我爭訟媒伯無禮自令
塞壅

未詳

頤

上天樓臺登降受福喜慶自來

無註

大過

三羊上山東至平原黃龍服箱南至
魯陽貌其佩囊執綬車中行人無功

無註

坎

天地閉塞仁智隱伏商旅不行利深

難得

易坤文言曰天地閉賢人隱又復
象傳先王以至日閉關商旅不行
離

延陵適魯觀樂太史車麟白顛知秦
興起卒兼其國一統為主

春秋襄公二十九年延陵吳季札
適魯觀周樂及聞歌秦詩曰此之

謂夏聲夫能夏則大大之至也其
周之舊乎

咸

橐戢甲兵歸放馬牛徑路開通國無
凶憂朽墻不鑿病疾難治

史記武王勝殷包藏弓矢戢弭干
戈以示弗用歸馬于華山之陽放
牛于桃林之野

恒

牛驥同堂郭氏以亡國破爲墟君奔
走逃

按胡傳莊公二十四年齊桓公問
郭父老曰郭何以亡父老曰見善
而不能舉惡惡而不能去所以亡

遜

大尾小腰重不可揺棟撓榱壞臣爲

君憂陽大之言消不爲患使我復安

無註

大壯

太一置酒樂正起舞萬福攸同可以
安處綏我鯁齒指空無餌不利爲旅
無註

晉

飲酒醉酗跳起爭鬪伯傷叔僵東家

治喪

無註

明夷

山險難登渭中多石車馳轉擊重載
傷軸載擔善躓跌踣右足

轉音衛跌徒結切踣於爲切

家人

爭訟不已更相咨詢張事弱口被髮

北走耳順從心躬行至仁不湏以兵
天下太平

語六十而耳順七十而從心所欲

睽

心志無良傷破妄行觸藩觝壁不見
戶房先王閉關商旅委弃

易復象傳先王以至日閉關商旅
不行

蹇

寧夫鷓鴣治成禦灾綏德安家周公

勤勞

寧鳩一名飛桑一名巧婦鷓鴣詩
篇名言周公救亂也

解

清人高子久在外野逍遙不歸思我
慈母

高子高克也詩云清人在彭駟介
旁旁註云鄭文公惡高克使將清
邑之兵禦狄于河上久而不召師
散而歸高克奔陳鄭人爲之作此
詩也

損

兩虎爭鬪服創無處不成仇讎行解
卻去

無註

益

天女推床不成文章南箕無舌飯多
沙糖虛象盜名雄雞折頸

天女織女也床未詳疑機字之誤
織女推機則不能成其文錦也箕
星名夏秋之間見於南方故云南
箕舌下二星也言南箕無舌則不

可以簸揚糠粃也糖當作糠

夫

太子扶蘇走出遠郊佞幸成邪改命
生憂慈母之恩無路致之

扶蘇始皇長子使北監軍於上郡
後趙高等矯詔殺扶蘇立胡亥

姁

寒暑相推一明一微赫赫宗周光榮

表
卷之二十一
減衰

無註

萃

雞狗相望仁道篤行不吠昏明各安
其鄉周鼎和餌國富民有八極蒙祐
孟子云雞鳴狗吠相聞而達乎四
境又春秋魯宣公十三年周成王
定鼎於郊鄩卜世三十卜年七百

升

牕牖戶旁道利明光賢智輔聖仁施
大行家給人足海內殷昌

無註

困

雨雪三日鳥獸飢乏旅人失宜利不
可得幾言解患以療紛難危者復安

無註

井

白鵠銜珠夜食爲明膏潤渥優國歲
年豐中子來同見惡不凶

鵠當作鶴搜神記云有鶴爲弋人
所射窮而歸噲參參收養療治瘡
愈而放之後鶴夜到門外參執燭
視之鶴雌雄雙至各銜明珠以報
參焉

革

從豕牽羊與虎相逢雖驚不凶

無註

鼎

鳬鴈啞啞以水爲宅雌雄相和心志
娛樂得其所欲絕其患惡

無註

震

逐狐平原水過我前深不可涉暮無
所得

無註

艮

窟室蓬戶寒賤所處十里望煙散渙
四方形體滅亡下入深淵終不見君
無註

漸

桀紂之主悖不可輔貪榮爲人必定
其咎聚斂積實野在鄙邑未得入室
夏桀商紂皆無道之君

歸妹

倉庫盈億年歲有息商人留連雖久
有得陰多陽少因地就力

無註

豐

火山不然釣鯉失綸魚不可得利去
我北三仁同福以興周國君子安息
三仁大王王季文王

旅

童女無媒不宜動揺安其居廬傳母
何憂

無註

哭

載風雲母遊觀東海鼓翼千里見吾
愛子

無註

兌

鴻盜我襦逃於山隅不見武迹使伯
心憂

未詳

渙

卷七
三十一
視夜無明不利遠鄉閉門塞牖福爲
我母

無註

節

三狗逐兔子東北路利以進取商人
有得

無註

中孚

武王不豫周公禱謝載璧秉珪安寧如故

書金縢王有疾弗豫周公植璧秉珪乃告大王王季文王王翼日乃瘳

小過

同載共車中道別去爵級不進君子不興

無註

既濟

六鴈俱飛遊戲稻池大飲多食飽
無患舉事不遂商旅作憤

無註

未濟

符左契右相與虛亂乾坤利貞幸生
六子長大成就颯然如母不利為咎
一云 不利為旅

易乾坤生六子乾父坤母三男震
坎艮三女巽離兌



震上頤
艮下頤

家給人足頌聲並作四夷賓服干戈
卷閣

書明王慎德四夷咸賓又詩時邁
篇明昭有周式序在位載戢干戈
載櫜弓矢

之乾

思初悼古哀吟無輔陽明不制上失
其所

無註

坤

江河淮海天之奧府衆利所聚賓服
饒有樂我君子

無註

屯

三鴈俱行避暑就涼適與繒遇爲繳
所傷

無註

蒙

秋南春北隨時休息處和履中安無
憂凶

無註

需

履危無患跳脫獨全不利出門傷我
左踝疾病不食鬼哭其室

無註

訟

東家凶婦怒其公姑毀拌破盆棄其
飯飡使吾困貧

無註

師

泥滓濇辱弃捐溝瀆衆所笑哭終不
顯祿

無註

比

旦往暮還各與相存身無凶患

無註

小畜

六翮長翼夜過射國高飛冥冥羿氏

無得

無註

履

蜂蠆之門難以止息嘉媚之士爲王
所食從去其室

無註

泰

放狐乘龍爲王道東過時不及使我
憂龍耳

無註

否

霄梅零墮心思情憤亂我魂氣

無註

同人

長女三嫁進退多態牝狐作妖夜行

離憂

無註

大有

車轉車轉軸軸驅車東西盛盈必毀高位

崩顛

軸音田

謙

乘船道濟載水逢火賴得無患蒙我
生全

無註

豫

至德之君政仁且溫伊呂股肱國富
民安

伊尹相湯呂望興周二入皆良輔

隨

生不逢時困且多憂無有冬夏心常
悲愁

無註

蠱

南歷玉山東入生門登福上堂飲萬
歲漿

無註

臨

大斧破木讒人敗國東關二五禍及
三子晉人亂危懷公出走

按春秋傳晉獻公三子申生重耳
夷吾也獻公聽驪姬之讒殺申生

重耳奔蒲夷吾奔屈懷公夷吾子
也僖公二十三年自秦逃歸嗣立
明年文公立遂出之

觀

一室百孫公悅婦懽相與笑言家樂
以安

無註

噬嗑

隨陽轉行不失其常君安於鄉國無咎殃

無註

賁

群虎入邑求索肉食大人禦守君不失國

無註

剝

弱足則跟不利出門市賈無吝斷折明
爲患湯火之憂轉解喜來

無註

復

夏臺幽戶文君厄處鬼侯飲食岐人
悅喜

幽戶當作姜里見震之大壯湯囚
夏臺文王拘姜里史記西伯九侯

鄂侯爲紂三公紂醢九侯徐廣曰
九侯一作鬼侯

无妄

棟撓榱壞廊屋大敗宮闕空廊如冬
枯樹

無註

大畜

說以內安不離其國室家相懼幽囚

重閉疾病多求罪亂憤憤

無註

大過

六龍俱怒戰於坂下倉黃不勝旅人
難苦

易坤上六龍戰于野註陰從陽者
也然盛極則抗而爭六既極矣復
進不已則必戰故云戰于野

坎

天下雷行塵起不明市空無羊疾人
憂凶三木不辜脫歸家邦

無註

離

一指食肉口無所得染其鼎鼎舌饒
於腹

左傳鄭公解黿召子公而弗與也

子公怒染指於鼎嘗之而出

咸

喜笑不常失其福慶口辟言疇行者

畏忌

無註

恒

毛生豪背國樂民富侯王有德

無註

遜

殯豕童牛童傷不來三女同堂生我
福人

殯音墳易殯豕之牙吉童牛之牯
大壯

江河淮海盈溢爲害邑被其瀨年困
無歲

無註

晉

兩虎爭鬪股瘡無處不成仇讎行解
欲去

無註

明夷

五岳四瀆潤洽爲德行不失理民賴
恩福

五岳山名四瀆江河淮濟

家人

載車乘馬南逢君子與我嘉嘉喜雖憂

無咎

無註

睽

缺囊破筐空無黍稷不媚如公弃於
糞墻

無註

蹇

殺行桃園見虎東西螳螂之敵使我
無患

按莊子猶螳螂怒以當車轍必不
勝任矣

解

飢人入室政衰弊極抱其彛器奔於
他國因禍受福

商紂無道微子抱祭器奔周其後
武王伐紂遂封微子於宋

損

庭燎夜明追古傷今陽弱不制陰雄
坐戾

記郊特牲庭燎之百自齊桓公始
燎公五十侯伯子男三十天子百
以物百枚纏木燎之今用松葦灌

脂在地曰燎

益

懸狃素飧食非其任失輿剥廬休坐
從居

詩伐檀篇云胡瞻爾庭有縣貆兮
彼君子兮不素餐兮貆貉類易剥
上九君子得輿小人剥廬

夬

喜門福善繪帛盛熾日就爲得財寶

敵國

無註

妬

執綏登車驂乘東遊說齊解燕霸國
以安

語云升車必正立執綏史記蘇秦
說燕易王曰臣居燕不能使燕重

而在齊則燕重乃僞得罪於燕而
奔齊說齊王高宮室大苑囿以明
得意欲以救齊而爲燕

萃

水深無桴蹇難何遊商伯失利庶人
愁憂

桴筏也

升

三鳥鴛鴦相隨俱行南到饒澤食魚
與梁君子樂長見惡不傷

無註

困

遠視目眇臨深苦眩不離越都旅人

留連

無註

井

終風東西散渙四方終曰至暮不見
子懽

詩云終風且暴註言終風終曰之
風也暴疾也以比莊公暴慢無常
而莊姜正靜自守所以忤其意而
不見荅也

革

言無要約不成券契殷叔季姬公孫

爭之強入委禽不悅於心

鄭徐吾犯之妹美公孫楚聘之矣
公孫黑又使強委禽焉註云禽鴈也
納采用鴈事見春秋魯昭公元
年穀叔未詳

鼎

牛馬聾聵不知聲味遠賢賤仁自合
亂憤疾病無患生福在門

無註

震

從商近遊飽食無憂囹圄之困中子
見囚

陶朱公中男殺人囚於楚事見史
記越世家

艮

據斗運樞順天無憂與樂並居

斗北斗樞北極天之樞也

漸

姬奭姜望爲武守邦蕃屏燕齊周室
以彊子孫億昌

姬奭召公也封於燕姜望太公也
封於齊二人夾輔周室爲燕齊之
屏翰以致周家彊盛子孫衆多也
歸妹

亡羊東澤循隄直北子思其母復返其所

無註

豐

張鳥關口舌直距齒然諾不行政亂

無緒

無註

旅

載船逢火憂不爲禍家在山東入門
見公

無註

巽

絕言異路心不相慕虵子兩角使我
心惡

無註

允

鼻頂移徙君不安坐枯竹復生失其寵榮

無註

渙

殷商以亡火息無光年歲不長殷湯光明

紂王無道武王伐之乃滅商

節

文王四乳仁愛篤厚子畜十男無有折爰

爰當作天文王四乳出淮南子按
春秋傳曰管蔡郕霍魯衛毛聃郕
雍曹滕畢原豐郇文之昭也註云
十六國皆文王子也

中孚

熊羆豺狼在山陰陽伺鹿取獐道候

畏難

無註

小過

凋葉被霜獨救不傷駕入喜門與福
爲婚

無註

既濟

黃離白日照我四國元首昭明民賴

恩福漢有遊女人不可得

易離六二曰黃離元吉詩漢廣篇
云漢有游女不可求思

未濟

順風直北與歡相得歲熟年樂邑無
寇賊長女行嫁子孫不昌係疾爲殃

無註

三三巽下
大過

典策法書藏閣蘭臺雖遭亂漬獨不
遇災

漢官儀御史臺內掌蘭臺秘書

之

日在北陸陰殺陽日萬物空虛不見
長育

左傳日在北陸而藏冰又漢志日
行四陸春東陸夏南陸秋西陸冬

北陸

坤

鬼泣哭社悲商無後甲子昧爽殷人
絕祀

書曰甲子昧爽王朝至于商郊牧
野伐紂社稷既遷殷遂滅焉

屯

涉塗履危不利有爲安坐垂裳乃無

灾殃門戶自開君憂不昌

無註

蒙

陽失其紀枯木復起秋華冬實君不
得息

無註

需

大樹之子百條共母當夏六月枝葉

盛茂鸞鳥以庇召伯避暑偏偏偃仰
甚得其所

無註

訟

秉鉞執殳挑戰先驅不從元帥敗破
爲憂

春秋邲之戰晉軍師不用命遂敗

師

啓室開關逃得釋冤夏臺牖里湯文
悅喜

牖當作姜湯囚夏臺文王拘姜里

小畜

西隣少女未有所許志如委衣不出
房戶心無所處傳母何咎

無註

比

卷七
五十八
衰滅無成淵溺在傾狗吠夜驚家乃
不寧枯者復華幽人無憂

無註

履

狗吠夜驚履鬼頭頸危者弗傾患滅
不成

無註

泰

當年少寡獨與孤處雞鳴狗吠無敢
誰者我生不辰獨嬰寒苦

無註

否

無道之君鬼哭其門命與下國絕得

不食

無註

同人

乘龍南遊夜過糟丘脫厄無憂增絕
弩傷羿不得羹

無註

大有

馬躡車傷長舌破家東關二五晉君
出走

春秋左傳晉獻公嬖驪姬驪姬欲
立其子奚齊賂外嬖梁五東關嬖

五譖毀群公子故重耳出奔

謙

瓜瓞匏實百女同室苦醯不熟未有

妃合

妃當作配

豫

晨風文翰大舉就溫昧過我邑羿無
所得

詩晨風篇云𩇑彼晨風鬱彼北林
晨風鸛也羿后羿古之善射者

隨

漑漑浞浞塗泥至轂馬淳不進虎齧
我足

漑音讒浞音濯

蠱

膠車駕東與雨相逢故革懈惰頽輪

獨坐憂不爲禍

無註

臨

六家作權公室剖分陰制其陽唐叔
失明

六家即晉卿范氏中行氏智氏及
韓趙魏爲晉六卿後三家皆爲韓
趙魏所滅三分晉地

觀

去室離家來奔大都火息復明姬伯
以昌商人失功

姬周姓文王爲西伯致武王伐紂
遂滅商焉

噬嗑

牧羊稻園聞虎喧嘩危懼喘息終無
禍患

無註

賁

嬰孩求乳母歸其子黃麕懽喜

無註

剥

廓落失業跨禍度福利無所得

無註

復

出入不時憂禍爲災行人失牛利去
不來老馬少駒勿與久居

無註

无妄

風怒漂水女惑生疾陽失其服陰孽
爲賊

春秋女陽物晦時淫則生惑蠱蠱疾

大畜

車馬病傷不利越鄉幽人元亨去晦
就明

無註

頤

三奇六偶各有所主周南召南聖人
所在德義流行民悅以喜

詩序周南召南正始之道王化之
基註云王者之道始於家終於天

下而二南正家之事也

坎

坐爭立訟紛紛忽忽卒成禍亂灾及

家公

無註

離

憂凶爲殘使我不安從之南國以除
心疾

無註

咸

愛我嬰女牽引不與異幸高貴反得

不興

無註

恒

宜行賈市所聚必倍載喜抱子與利

爲市

無註

遜

坐席未溫憂來扣門踰墻北走兵交
我後脫於虎口

無註

大壯

赤帝懸車廢職不朝叔帶之灾居于

記廬

周襄王以叔帶之難出居鄭處於
汜音凡汜在襄城縣南

晉

子畏於匡厄困陳蔡明德不危竟自
克害

孔子過匡匡人以爲陽虎而拘之
在陳蔡絕糧言聖人道全德備雖
遇患而不危殆也

明夷

逐鴈南飛馬疾牛罷不見魚池失利
憂危牢戶之冤脫免无患

無註

家人

推輦上山高仰重難終日至暮不見

阜巔

無註

睽

憂不爲患福在堂門使吾偃安

無註

蹇

春桃始華季女宜家受福多年男爲

邦君

詩桃夭篇云桃之夭夭灼灼其華

之子于歸宜其室家

解

高山之顛去谷億千雖有兵寇足以

自守

無註

損

過時歷月役夫顛顛
伯叔
顛子歎室思我

顛當作顛

益

太微復明說升傳巖乃稱高室疾在頭頸和不能生滅其令名

太微星名高宗夢得聖人名曰說以夢所見視群臣百吏皆非也於是乃使百工營求得之於傅巖舉以爲相晉求醫於秦秦使醫和視之曰疾不可爲也

卷七
六十七
央

旁多水星三五在東早夜晨行勞苦
无功

水當作小詩召南小星云嘒彼小
星三五在東肅肅宵征夙夜在公
此詩言夫人無妬忌之行而賤妾
安於其命所謂上好仁而下必好
義者也

始

東鄉煩煩相與笑言子般鞭犖圉人
作患

魯莊公三十二年雩講于梁氏女
公子觀之圉人犖自牆外與之戲
子般怒使鞭之公曰不如殺之是
不可鞭犖有力焉能投盖于稷門
十月圉人犖賊子般于黨氏

萃

鼻移在頭枯葦復生下朽上榮家乃
不寧其金不成

未詳

升

蝦蟇群聚從天請雨雲雷疾聚應時
輒下得其願所

無註

困

大步上車南到喜家送我貂裘與福
載來

無註

井

賊仁傷德天怒不福斬刈宗社失其
宇守

無註

革

從狴見虎雖危不殆終已无咎

史記龜策傳郭璞註云蝟能制虎

鼎

履素行德卒蒙祐福與堯侑食君子
有息

孟子帝館甥于貳室而享舜迭爲
賓主帝堯帝

震

利在北陸寒苦難得憂危之患福爲
道門商叔生存

艮
易通統圖日行北方黑道曰北陸

四蹇六盲足痛難行終日至暮不離
其鄉

無註

漸

臺駘昧子明知地理障澤宣流封君
河水

臺駘春秋晉平公有疾卜人曰實
沈臺駘爲祟子產曰昔金天氏有
裔子曰昧爲玄冥師生臺駘能業
其官宣汾洺障大澤帝用嘉之封
諸汾川註云帝顓頊也事在昭公

元年

歸妹

畜水得時以備火災柱車絆馬郊行
出旅可以无咎

無註

豐

歲暮華落君衰於德勞寵損墮陰奪
其室

無註

旅

夏販蔡悲千里爲市黃葉殪鬱利得
無有

未詳

巽

仲春巡狩東見群后昭德允明不失
其所

書歲二月東巡守至于岱宗柴望
秩于山川肆覲東后又孟子曰天
子適諸侯曰巡守東后東方之諸
侯也

允

刳絜縲縲結締難解嫫母銜嫁媒不
得坐自爲身禍

嫫母黃帝次妃貌醜而賢

渙

烏鳴庭中以戒灾凶重門擊柝備憂
暴客

易繫辭重門擊柝以待暴客蓋取
諸豫

節

朝霽暮霞瀦我衣襦退無得牛

無註

中孚

抱璞懷玉與桀相觸
詘坐不中道無
良人

卞和得玉璞獻楚懷王
凡三獻至
荆王剖之果得玉

小過

兩心相悅共其柔筋
夙夜在公不離
房中得君子意

無註

既濟

載餽如田破鉏失食苗穢不辟獨飢
於年

無註

未濟

甘露醴泉太平機關仁德感應歲樂
民安

甘露仁澤也聖德上及太清下及
萬靈則降醴泉水之精也聖德下
及太寧中及萬靈則出

易林卷第七

1112

✓